

gentes. Et profecto crederem ideò Bapti-
stam dixisse. Ne dicatis intra vos, Patrem ha-
bemus Abraham. Dico enim vobis, potens
est Deus de lapidibus his suscitare filios A-
brahæ. Et forsan id voluit Virgo sacra, cum
dixit. Esurientes implevit bonis, diuites
dimisit inanes. Nam Gregorius docuit nos,
per diuites Iudæos intelligere: atque adeò
per esurientes, Gentiles.

*ET dixi ad eos, Si bonum est in oculis ve-
stris, afferte mercedem meam: & si non, qui-
escite.* Cum hæc verba meditatus expendo,
cogor intelligere, Sanctos illos, qui paupe-
res gregis dicti nunc sunt, Christum sollicitè
rogasse, ne desereret, sed potius pasceret gē-
tem Iudæam. Quibus respondet Christus, Si
bonum vobis videtur, ut ego pascam, afferte
mercedem laboris. Si non affertis, desinite
deprecari. Siquidem tam peruitacem & re-
bellem pascere gregem, ingentis est labo-
ris, atque ideò ingens præmium meretur.
*Et appenderunt mercedē meā triginta argen-
teos.* idest, dum Christus cum viris pijs tra-
ctat de mercede pactionis, en aliunde Phari-
sei, & reliqua Synagoga emit Christum à Iu-
da. 30. argenteis. Nam principes Sacerdotum
& magistratus, ac proinde totus populus, cu-
ius illi vices habebant Christum eo pretio
emerunt à Iuda.

Mat 26.

Luc. 22.

*Et dixit Dominus ad me, Projice illud ad Sta-
tuarium. Decorum pretium, quo appretiatu-
sum ab eis.* Fuit tam immane flagitium Chri-